



Direcziun

Loëstrasse 14, CH-7000 Chur

Tel: +41 81 257 38 61 / Fax: +41 81 257 21 59

info@awn.gr.ch

http://www.wald-naturgefahren.gr.ch

28 da fanadur 2011

Communicaziun a las medias

Da l'uffizi forestal a l'uffizi da gaud e privels da la natira

L'uffizi forestal dal Grischun (UF) mida ses num per il 1. d'avust 2011 en "uffizi da gaud e privels da la natira (UGP)". Questa nova denominaziun circumscriba meglier il champ d'incumbensas amplifitgà da l'uffizi e sia cumpetenzza è cleramain visibla per personas d'ordaifer.

Il privels da la natira sco lavinas, crudada da crappa, auas grondas e boas èn privels considerabels en il chantun Grischun. Il gaud da protecziun è la basa la pli impurtanta per la protecziun cunter privels da la natira. Da 180'000 hectaras gaud en il Grischun adempeschan 120'000 hectaras ina funcziun da protecziun. Quests gauds protegian abitadis, vias e viafiers. Rempars cunter lavinas, cunter crudada da crappa e cunter boas vegnan realisads mo en quels lieus, nua ch'il gaud da protecziun na crescha betg u nua ch'el na po betg ademplir la funcziun da protecziun.

Nov num a partir dal 1. d'avust

Tant la tgira dal gaud da protecziun sco er ils rempars cunter privels da la natira èn fa-tschentas principalas da l'uffizi forestal (UF). Ils ultims diesch onns è vegnì etablì il sectur "privels da la natira" tar l'uffizi forestal e quest sectur è vegnì amplifitgà conform als basegns. Circa la mesadad da la lavur operativa vegn impundida per la protecziun cunter privels da la natira. La fasa da prevenziun ed il giudicament dals privels da la natira èn chaussa da l'uffizi e da sias spezialistas e ses spezialists. Quest urden da cumpetenzas duai esser cleramain transparent tras ina nova denominaziun da l'uffizi en "uffizi da gaud e privels da la natira (UGP)" er per personas d'ordaifer. Uschia èsi cleramain visibel – en cas da dumondas che arrivon d'ordaifer – ch'i dat in post da consultaziun per privels da la natira en l'administraziun chantunala. La nova denominaziun che vala a partir dal 1. d'avust 2011 circum-scriba èn mo da pli correcta il champ d'incumbensas da l'uffizi ch'è vegnì amplifitgà en il fratemp.

Per la segirezza cunter privels da la natira restan responsabels sin plaun chantunal er vinavant differents posts da servetsch e differents acturs. Els persequiteschan tuts la finamira communabla da sustegnair las vischnancas en ina stretga collavuraziun e cun ina clera repartiziun da las rollas. L'uffizi da gaud e privels da la natira sa dat la finamira da metter a disposiziun ina buna basa a las vischnancas ed a la publicitad en l'internet sut www.wald-naturgefahren.gr.ch. Ensemen cun ils selviculturs da revier al lieu vegnan furnids uschia servetschs optimals en cas da privels da la natira.

Infurmaziuns:

- Reto Hefti, selvicultur chantunal, uffizi da gaud e privels da la natira, tel. 081 257 38 51

Gremi: uffizi da gaud e privels da la natira

Funtauna: rg uffizi da gaud e privels da la natira

Data: 28-7-2011